

PRAKTIS 6

Baca sajak di bawah ini dengan telitinya, kemudian jawab soalan-soalan yang berikutnya.

SENJA DI PALANG BESI

Senja mula menangis
remang membongkar sendu
mengutus kuntum-kuntum serakan cahaya
berlari di celah jambangan bunga dedawai
menari mengikat ramah kekosongan
dalam kota tidur sepi nan pedar hati.

Pilu wajahmu sang senja
yang dulu melakar bahagia
kini merayap sayu membelai jemari malam
dalam keterbuangan yang merangkum
dalam keterasingan yang mencengkam
dalam kesakitan yang membungkam.

Tanpa pasir pantai atau silir angin
rentet susun bibir palang besi dingin itu
menjerut resah berteleku dalam hening
bernyanyi rakus dalam kelu rasa keterkungkongan
menghantar pergi erti keriuhan
jauh di balik redup senja yang mula mengundurkan diri
bersama riak samudera jiwa bernama kesunyian
hukuman terhebat hikayat kemanusiaan.

Pena Alam

Dipetik daripada antologi *Bintang Hati*,
Tingkatan 3, Kementerian Pendidikan Malaysia

- 1 Bagaimanakah kehidupan penyajak sebelum dia dipenjarakan?
 - A Derita
 - B Bahagia
 - C Bercelaru
 - D Kesunyian
- 2 Apakah yang dirindui oleh penyajak semasa dia berada di dalam sel penjara?
 - A Zaman mudanya
 - B Zaman sebelum dia berkahwin
 - C Zaman remajanya yang menyeronokkan
 - D Zaman dia hidup bebas sebelum dijatuhi hukuman penjara
- 3 Nilai yang berikut terdapat dalam sajak ini, **kecuali**
 - A keredaan.
 - B kesetiaan.
 - C ketabahan.
 - D kebebasan.
- 4 Yang manakah **bukan** merupakan contoh unsur metafora?
 - A jemari malam
 - B samudera jiwa
 - C melakar bahagia
 - D bibir palang besi
- 5 Sajak "Senja di Palang Besi" bernada
 - A sinis.
 - B patriotik.
 - C romantis.
 - D melankolik.